



(Sinatura do Presidente)
[Handwritten signature]

Folio N.º

Serie A N.º 1179562

Nº 3/2012

SESIÓN EXTRAORDINARIA E URXENTE CELEBRADA POLO PLENO DO CONCELLO O DÍA
14 MARZO 2012

ORDE DO DIA

1. RATIFICACIÓN, NO SEU CASO, DA URXENCIA DA CONVOCATORIA
2. APROBACIÓN, SE PROCEDE, DA ACTA DA ÚLTIMA SESIÓN.
3. EXPEDIENTES DE BAIXAS NA CONTABILIDADE DE FACTURAS PRESCRITAS E ANULACIÓN OPERACIÓNS CONTABLES.
4. DECLARACIÓN EXISIBILIDADE DE FACTURAS DOS EFECTOS DO RDL 4/2012 DE 24 DE FEBREIRO.

Na Casa do Concello de Redondela, sendo as vinte horas do día catorce de marzo de dous mil doce, baixo a Presidencia do Sr. Alcalde, JAVIER BAS CORUGEIRA e a asistencia dos/as concelleiros/as seguintes: MIGUEL ANGEL ALVAREZ BALLESTEROS, JOSE ALBERTO PAZOS COUÑAGO, MARIA TERESA PARIS BLANCO, ANA MARIA ALONSO ALONSO, JESUS CRESPO LOPEZ, MARIA JOSE BARCIELA BARROS, ERMINDA QUELLE FERNANDEZ , ARTURO GONZALEZ BARBEIRO, CANDIDO VILABOA FIGUEROA, EDUARDO JOSE REGUERA OCAMPO, LUIS ALBERTO ORGE MIGUEZ, ANTONIO CABALEIRO MILLARES, DIGNA ROSA RIVAS GÓMEZ, LETICIA GONZÁLEZ GUISANDE, ANTONIO VÁZQUEZ SACO, LEONARDO CABALEIRO COUÑAGO, JOSE GARCÍA MÍGUEZ, CECILIA PÉREZ ORGE, XOAN CARLOS GONZÁLEZ CAMPO, JORGE VARELA COUÑAGO

Asistidos pola Secretaria da Corporación, Ana Begoña Merino Gil, e máis polo Interventor Municipal, Angel Santamariña Ribera.

INCIDENCIAS

Con carácter previo ao tratamento dos asuntos incluídos na Orde do Día a Corporación, garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar os puntos da Orde do Día.

O Alcalde pide que conste en acta o agradecemento da corporación aos servizos económicos do Concello polo tempo adicado a cumprir co Real Decreto 4/2012 de 24 de febreiro que obrigoulles a traballar a reo, incluso sábados e domingos.

1.-RATIFICACIÓN, NO SEU CASO, DA URXENCIA DA CONVOCATORIA

Aos efectos do previsto no artigo 46 2 b) da Lei 7/85 de 2 de abril Reguladora das Bases do Réxime (LBRL), a Corporación, en votación ordinaria e por unanimidade dos asistentes, acorda ratifica-la urxencia da convocatoria motivada pola necesidade de cumprimenta-lo esixido no Real Decreto 4/2012 do 24 de febreiro.

2. APROBACIÓN, SE PROCEDE, DA ACTA DA ÚLTIMA SESIÓN.

En relación ao acta da última sesión, celebrada con carácter ordinario o día 29.02.2012, pola concelleira Pérez Orge sinálase que cando reflíctese a súa primeira intervención, na páxina 21 falta por "non" antes de "poden apoiar" para que a súa argumentación se recolla correctamente. O Pleno do Concello, en votación ordinaria e por unanimidade dos/as seus membros, sendo vinteún votos a favor (10 do PP, 8 do PSdeG-PSOE, 2 do BNG, e 1 de AER), acorda prestar aprobación á citada acta coa corrección indicada pola voceira do BNG.

3. EXPEDIENTES DE BAIXAS NA CONTABILIDADE DE FACTURAS PRESCRITAS E ANULACIÓN OPERACIÓNS CONTABLES.



ANTECEDENTES

Proposta da Alcaldía que, transcrita, di:

Asunto: expediente de prescripción de obrigas pendentes de pagamento así coma de facturas pendentes de recoñecer.

Vendo a existencia de obrigas pendentes de pago na contabilidade municipal e a existencia de facturas que están pendentes de recoñecer anteriores ó ano 2008.

Tendo en conta que a prescripción, que opera por lei, e de acordo coa normativa que a regula, o artigo 25 da Lei 47/2003, Xeral Orzamentaria, de aplicación ós entes locais establece que:

Artículo 25. Prescripción de las obligaciones.

1. Salvo lo establecido por leyes especiales, prescribirán a los cuatro años:

El derecho al reconocimiento o liquidación por la Hacienda Pública estatal de toda obligación que no se hubiese solicitado con la presentación de los documentos justificativos. El plazo se contará desde la fecha en que se concluyó el servicio o la prestación determinante de la obligación o desde el día en que el derecho pudo ejercitarse.

El derecho a exigir el pago de las obligaciones ya reconocidas o liquidadas, si no fuese reclamado por los acreedores legítimos o sus derechohabientes. El plazo se contará desde la fecha de notificación, del reconocimiento o liquidación de la respectiva obligación.

2. Con la expresada salvedad en favor de leyes especiales, la prescripción se interrumpirá conforme a las disposiciones del Código Civil.

3. Las obligaciones a cargo de la Hacienda Pública estatal que hayan prescrito, serán baja en las respectivas cuentas, previa tramitación del oportuno expediente.

Vendo polo tanto a necesidade de que tramitar o expediente para dar de baixa as obrigas nas respectivas contas.

Tendo en conta o informe emitido por esta Tesourería municipal de data 13 de marzo de 2012.

Vendo a súa vez a existencia de obrigas recoñecidas que se producen por erros, sendo o mais axeitado a súa anulación.

Entendendo que a competencia para a decisión definitiva deste expediente recae no Pleno desta Corporación de acordo co sostido co Tribunal de Cuentas.

É por elo que esta Alcaldía PROPÓN

PRIMEIRO.- A aprobación inicial do expediente de baixa na contabilidade das obrigas recoñecidas anteriores ó 1 de xaneiro do ano 2008 que se atopan na fase de obriga recoñecida (Fase O) relacionadas no anexo I que se achega con esta proposta que comeza polo recoñecemento da obriga número 20000000099 de data 30 de decembro de 2000 respecto da factura F00130 de data 20/12/1994 do terceiro Acuñañaciones Universales, S.L. con CIF B36142073 por importe de 1.727,91 € e que finaliza polo recoñecemento da obriga número 200100025950 de data 31 de decembro de 2001 do terceiro Xunta de Galicia con CIF S1511001H de importe 15.025,30 € ascendendo á cantidade total de 765.952,52 € deixando por tanto de ser esixibles.

SEGUNDO.- A aprobación inicial do expediente de baixa na contabilidade das obrigas recoñecidas anteriores ó 1 de xaneiro do ano 2008 que se atopan na fase de orde de pagamento (Fase P) relacionadas no anexo II que se achega con esta proposta que comeza pola orde de pago número 200100011996 de data 21 de setembro de 2001 respecto da factura 1/43 de data 26 de marzo de 2001 do terceiro A Palavra perdida, libros portugueses, S.C. con CIF G15662786 por importe 279,85 € e que finaliza pola orde de pago número 004690 de data 27 de abril de 2000 respecto da factura 66 de data 16 de novembro de 1994 do terceiro Transportes María con CIF 35927309K por importe de 103,67 €, ascendendo á cantidade total de 376.937,81 € deixando por tanto de ser esixibles.



(Sinatura do Presidente)

Folio N.º

Serie A N.º 1179563

TERCEIRO.- A aprobación inicial do expediente de baixa no rexistro de facturas que se atopen neste Concello en data anterior de 1 de xaneiro de 2008 relacionadas no anexo III que se achega con esta proposta que comeza pola factura DT0056080404 de data 14 de xullo de 2000 do terceiro AIRTEL móvil, S.A. con CIF A80907393 por importe de 3,61 € e que finaliza pola factura 180127 de data 30 de agosto de 2004 do terceiro X-Ergon con CIF A28328391 de importe 88,16 €, ascendendo á cantidade total de 130.769,39 € deixando por tanto de ser esixibles.

CUARTO.- A aprobación do expediente de anulación que se atopen neste Concello en data anterior de 1 de xaneiro de 2008 relacionadas no anexo IV que se achega con esta proposta que comeza polo recoñecemento da obriga número 200100020663 de data 17 de decembro do 2001 do terceiro Jesús Baladrón, C.B. con CIF E36680593 de importe 7.678,91 € e que finaliza polo recoñecemento da obriga número 200000000544 de data 17 de decembro de 2001 do terceiro Prebentong Galicia, S.L. con CIF A36605616 por importe de 3,77 €, ascendendo á cantidade total de 7.802,88 € deixando por tanto de ser esixibles

QUINTO.- Someter o expediente a trámite de audiencia, durante o prazo de dez días, mediante notificación expresa cando sexa necesario ós interesados, que como tales consten no expediente, a fin de que poidan comparecer no mesmo ós efectos de alegar e presentar cantos documentos e xustificacións estimen pertinentes.

SEXTO.- Ordenar, igualmente, a exposición pública do expediente, por prazo de vinte días mediante o seu anuncio no Boletín Oficial da Provincia e no taboleiro de edictos da Corporación Municipal.

SÉTIMO.- Transcorridos os prazos e tendo en conta as alegacións presentadas, procederase á aprobación definitiva do expediente de baixa de exercicios pechados por prescrición colectiva e a dar de baixa as facturas pendentes de recoñecer do rexistro de facturas. No suposto de que non se presentasen alegacións, entenderase aprobado definitivamente o expediente.

INTERVENCIÓNS

O Alcalde sinala que o debate deste punto e do seguinte será común.

O concelleiro Varela Couñago di que lle parece unha falta de respecto o que fixo o goberno obrigando aos concellos a decidir en tan pouco tempo esta cuestión. Sinala que teñen claro que á xente hai que pagarlle para que non sufran tanto os provedores e indica que dado que se dixo que caso de pagarse agora ao millor en xuño non hai cartos para pagar ao persoal, tampouco queren que iso pase. Están de acordo en pagar aos que se lles debe.

A concelleira Pérez Orge critica cómo se puxo en marcha o Real Decreto, con presas, e sen que hía tempo para por ao día toda a documentación. Dí que o PP debería avanzar nunha auténtica reforma no sistema de financiamento local aínda que está de acordo en satisfacer as débedas a empresas e particulares asfixiados polo retraso e pola falta de crédito das entidades privadas. Lle parece que isto amosa o fracaso de política económica do Estado e sinala que hai demasiadas presas e contradicións tanto na norma como na posterior que pretendía aclarar. Están de acordo co fin último aínda non con cómo se levou a cabo. Non van a impedir que tire para adiante pero non van a apoiar a proposta porque non lle gusta cómo se está a facer. Sinala que o traballo dos servizos económicos do Concello foi exhaustivo xa que o decreto complicou as cousas. Non entende por qué non se autoriza ao Concello a establecer un crédito finalista para pagar estas débedas. Insiste en que non están de acordo en cómo se fixeron as cousas.

O concelleiro Cabaleiro Couñago di que se da unha situación inverosímil e que as presas nunca foron boas. Sinala que hai que buscar solucións para pagar sobre todo aos pequenos e medianos empresarios e que a solución cecais non é a máis adecuada pero é a que hai. Dí que farían modificacións ao Real Decreto xa que non é o mesmo Redondela que Fornelos e as situacións son diferentes. Non están de acordo co tipo de financiamento xa que un crédito ao 5% lles parece un desaxuste e os xuros son excesivos e van a beneficiar aos catro grandes bancos. Dí que algo pasou no Concello e tivo que existir unha descoordinación entre o goberno e os servizos administrativos.



EL NUMERADO DE CORPORACIONES LOCAIS

O concelleiro Pazos Couñago explica os obxectivos da normativa e di que poden compartir algunhas críticas pero non é nin pretende ser ningún novo modelo de financiamento senón unha solución para centos de miles de provedores que levan tempo financiando ás entidades locais. Sinala que é unha solución para os concellos que teñen débedas xa que é un problema creado entre todos e somentes lle buscou solución quen está agora no goberno. Dí que o importante é que os provedores van a ver satisfeitas as súas débedas e pregunta por qué se afirma que houbo descoordinación cos servizos administrativos. Sinala que en contra do que se lles dicía, no Concello existe débeda. Dí que o razoable é pensar que a culpa é de quen xestionou, non do que agora pide que cumpran co que deben. Acepta as presas pero di que están fundamentadas.

O concelleiro Varela Couñago indica que o Concello está a tope da súa capacidade de crédito. Indica que cómo vaise explicar aos cidadáns que había 2 millóns de euros sen pagar. Lle parece que houbo erros graves que haberá que explicar á cidadanía.

A concelleira Pérez Orge dí que isto é un parche para un momento puntual. Pide como xa fixeron antes unha nova política de financiamento local. Lle parece que isto é pan para hoxe e fame para mañá e que hai responsables pero uns máis que outros. Non culpabilizan a ninguén. Non están de acordo nesta medida e cómo a mesma se pon en marcha porque os concellos teñen que dar moitísimos servizos e se algo falla a quen reclaman os cidadáns é ao axuntamento. Seguirán estando endebedados aínda que un máis que outros. Di que ninguén pode gastar o que non ten. Non é obxecto do debate avaliar cómo se van a pagar estas facturas.

O concelleiro Cabaleiro Couñago dí que se fixo un filtrado de facturas. Hai facturas de hai tempo que estaban pendentes por diversas razóns, aínda que o certo é que o Concello sempre pagou aos seus provedores. Pensa que se pode afrontar. Di que dende que goberna o PP en Redondela hai 200.000 euros pendentes de pagar. Di que vai a afectar aos orzamentos e non estar de acordo en recortar servizos básicos. Votarán a favor das propostas.

O concelleiro Pazos Couñago dí que as administracións existen para os cidadáns e estes non cobraron polo que isto é pan para hoxe porque senón as empresas poden morrer. O voceiro socialista non dí que hai 1.200.000 euros de débeda prescrita, de xente que non vai cobrar aínda que eles dicían que pagaban a 60 días. Tamén dí que cando chegaron ao goberno atopáronse con que na concellería de medio ambiente quedaba o 5% orzamento e outras catro concellerías, tiñan somentes 72.000 euros para acabar o ano.

VOTACIÓN E ACORDO

Sometido o asunto a votación, a Corporación en votación ordinaria e por dezanove votos a favor (10 do PP, 8 do PS de G-PSOE, e 1 de AER) e 2 abstencións (BNG) acordou aprobar nos seus propios terminos a proposta transcrita.

4. DECLARACIÓN EXISIBILIDADE DE FACTURAS DOS EFECTOS DO RDL 4/2012 DE 24 DE FEBREIRO.

ANTECEDENTES

Proposta da Alcaldía que, transcrita, dí:

Asunto: declaración de esixibilidade de facturas ós efectos do Real Decreto-Lei 4/2012.

O Real Decreto-lei 4/2012, de 24 de febreiro, polo que se determinan obrigas de información e procedementos necesarios para establecer un mecanismo de financiamento para o pagamento aos provedores das entidades locais, ten por obxecto habilitar as condicións necesarias para permitir a cancelación por entidades locais das súas obrigas pendentes de pago cos seus provedores, derivadas da contratación de obras, subministros ou servizos.

É obrigatorio a remisión ao Ministerio de Facenda dun certificado no que consten ditas obrigas pendentes.

Vistos os informes emitidos respecto á Radio Redondela, S.L. no que consta que non existen débedas a 31 de decembro de 2011.



(Sinatura do Presidente)

Folio N.º

Serie A N.º 1179564

Consta o informe do Interventor de data 14 de marzo de 2012 con referencia ASR-14.03.12.1 que consta de cinco páxinas.

Tendo en conta a posibilidade de certificacións individuais que recolle o artigo catro do Real Decreto-Lei.

É por elo que esta Alcaldía PROPÓN

PRIMEIRO.- A declaración coma esixibles relacionadas no anexo que se achega con esta proposta que comeza pola factura 11/06369 de data 5 de setembro de 2011 do terceiro A&B Laboratorios de Biotecnología, S.A. con CIF A01316637 e que finaliza pola factura 2939/C de data 30 de xuño de 2011 do terceiro Xcalco, S.L. con CIF B36194108 ascendendo á cantidade total de 587.410,17 €.

SEGUNDO.- Que sexa dita relación de facturas a que conforme a certificación da intervención municipal.

TERCEIRO.- Declarar a non existencia de débedas pendentes da empresa Radio Redondela, S.L.

CUARTO.- Que de acordo co artigo tres do Real Decreto-Lei se de conta da certificación ao Pleno da Corporación Local na primeira sesión que celebre.

VOTACIÓN E ACORDO

Sometido o asunto a votación, a Corporación en votación ordinaria e por dezanove votos a favor (10 do PP, 8 do PS de G-PSOE, e 1 de AER) e 2 abstencións (BNG) acordou aprobar nos seus propios terminos a proposta transcrita.

E, non sendo outro o obxecto da presente sesión, pola Presidencia dase por rematado o acto, sendo vinte horas e trinta e cinco minutos da data indicada no encabezamento, de todo o que como Secretaria dou fe.-

Nº 4/2012

SESIÓN ORDINARIA CELEBRADA POLO PLENO DO CONCELLO O DÍA 28 MARZO 2012

ORDE DO DIA

1. APROBACIÓN, SE PROCEDE, DA ACTA DA ÚLTIMA SESIÓN.
2. DAR CONTA DE EXPEDIENTES DE MODIFICACIÓN DE CRÉDITO.
3. APROBACIÓN INICIAL DO REGULAMENTO DE VENDA AMBULANTE.
4. TRANSMISIÓN POSTOS DO MERCADO.
5. APROBACIÓN INICIAL MODIFICACIÓN ORDENANZA FISCAL.
6. APROBACIÓN INICIAL DO ORZAMENTO XERAL EXERCICIO 2012.
7. ACTIVIDADES DE CONTROL DE PLENO.
- 7.1 DAR CONTA RESOLUCIÓN DA ALCALDÍA
- 7.2 MOCIÓN
- 7.3 ROGOS E PREGUNTAS

Na Casa do Concello de Redondela, sendo as vinte horas do día vinteoito de marzo de dous mil doce, baixo a Presidencia do Alcalde, JAVIER BAS CORUGEIRA e a asistencia dos/as concelleiros/as seguintes: MIGUEL ANGEL ALVAREZ BALLESTEROS, JOSE ALBERTO PAZOS COUÑAGO, MARIA TERESA PARIS BLANCO, ANA MARIA ALONSO ALONSO, JESUS CRESPO LOPEZ, MARIA JOSE BARCIELA BARROS, ERMINDA QUELLE FERNANDEZ, ARTURO GONZALEZ BARBEITO, CANDIDO VILABOA FIGUEROA, EDUARDO JOSE



EL NUMERADO DE LAS CORPORACIONES LOCALES